



**Inuusuttut inissiat pillugit nassuiaammik Naalackersuisut kingusinnerpaamik UKA2019-imi saqqummiussinissaat pillugu Inatsisartuni aalajangiiffigisassatut siunnersuut. Nassuiaammi inissianik sanaartornermi maanna suliniutaareersut sakkussallu tassunga attuumassuteqartut, soorlu ineqarnermut tapiissutinik nalilersuinermik imaqarlunilu maanna ingerlanneqartunit pisariaqartitsineq naammassineqarsinnaangippat suliniutinut tapiliussassanut kaammattuutit imaqassaaq**  
(Inatsisartuni ilaasortaq, Mimi Karlsen, Inuit Ataqatigiit  
(Siullermeerneqarnera)

Demokraatini sukkulluunniit inissiat oqallisigerusuppagut. Inissiarmi betoniinnaangilaq, qarماسissaannaangilaq, matuinaannaangilaq aamma igalaaginaangilaq - angerlarsimaffiuvoq, toqqissisimaffiususaaq aamma nuannersunut tunngaviususaaq, ajunngilluni inuuffissaaq asaat peqatigalugit.

Ajoraluartumik ullutsinni kikkut tamarmik taamaattumik angerlarsimaffeqanngillat. Ilaqarpugut qanganitsersimasuni peqqinnaangitsunilu ineqartunik, oqussimasunik imaluunniit ajoqutilinnik. Allat angerlarsimaffeqarput immaqa toqqissisimanangitsunik persuttaaffiusumi allatulluunniit nuanniitsumik.

Ineqarneq pillugu oqallinnerit taamaattumik pingaaruteqarput aamma Demokraatini aamma nammineerluta ineqarnermut tunngasunik matumani ataatsimiinnermi oqallisissanik siunnersuuteqarnikuuvugut aamma siunnersuutit suulluunniit pineqartumut tunngasut tikilluaqqujaannarpagut.

Imaangilarli immikkoortumi siunnersuutit tamaasa isumaqatigisarigut. Manna siunnersuut tamaattunut assersuutissaavoq. Demokraatini isumaqarpugut nassuiaasiortitseqqinnissaaq pisariaqanngitsoq. Puigussanngilarput nassuiaasiortoqarnissaa pillugu akuersinigit tamaasa Namminersorlutik Oqartussat allaffeqarfissuat artukkorsortarsigu. Allatut oqaatigalugu aningaasartuutit amerlisartarpagut allaffissornermut tunngassuteqartut. Taamaattumik pingaarutilerujussuuvoq nassuiaasiortitsinissaaq pillugu siunnersuutit nalilersortuartarnissaat qularnaarumallugu pisariaqanngitsumik aningaasaajannnginnisarput. Demokraatini uani isumaqarpugut inuusuttunut inissiat pillugit nassuiaasiortoqartariaqanngitsoq. Isumaqarpugut immikkoortumi suliniutit aallartinneqareersut soorlu immikkoortunut pilersaarusiit naammareersut.

Tamanna tunngavigalugu inassutigaarput siunnersuut itigartinneqassasoq.